



Le Signur é mia löm y mia salveza. (Salm 17)

La ploania d'La Pli á tut comié da **Ludwig Erlacher** (+ 27.11.2019, 88 agn) y ti fej les condolianzas ai familiars por la mort dal pere, nene y fre. La vita eterna dáí, Signur, y confortele con to lominus!

- **Festa d'Advent:** i grups dai Ministronc y dla Schira Jonila é enviés **en domegna ai 1 de dezember** do la gran messa te Ciasa dles Uniuns a na picia festa d'Advent.
- **Aziun d'Advent:** l'Uniu dles Eres arjigna **gherlandes d'advent** co ven benedides la pröma domegna d'advent **ai 1 de dezember** y dedô vonüdes por n fin de ben.
- **Trei Resc:** i mituns y les mituns dla scora mesana é bel enviés a fá empara pa l'aziun dai Trei Resc, co sará en **jöbia ai 2 de iener 2020**. Düc chi co ô gní a fá i Trei Resc é der bel enviés ala pröma encuntada por meter a jí l'aziun, en **Santa Maria ai 8 de dezember** do la gran messa te Ciasa dles Uniuns.
- **Joneza da Paur:** jogn y jones co á enteres da jí pla Joneza da Paur é enviés en sabeda, **ai 7 de dezember** ales 20:30 te Ciasa dles Uniuns ala **sontada generala**.

1 enformaziuns y termins

Marcé da Nadé tla Spona (Salf Laur Protezioné) a Pedroa en domegna, ai 1 de dezember, dales 10:00 ales 16:00 con creaziuns artejanales dla Spona, marcé dai libri d'Uniu dai Ladins y dal Istitut Ladin, ciances y melodies d'Advent. Düc é enviés.

Mesa torona con esperc sora le lian emozional danter geniturs y mituns: Ci podunse pa nosc desco geniturs fá por accompagné nüsc mituns, rinforzenn les raisc y ti denn tal medemo tomp les ares por che ei ciafi so tru? Co podunse pa i daidé por che ai röi a avei na derta autostima, le der respet por se enstesc y i atri? La serada adöm a esperc te cösc ciamp, gnará tignida in lönesc ai 2 de dezember ales 19:30 te Istitut Ladin a San Martin. L'organisaziun é dal Grup Ecuiliber, le lingaz dla serada é todesch y ai ensegnanc ti vegnel reconesciü desco formaziun. Düc é der bel enviés.

Sorvisc ai Jogn: le SaJ Val Badia met da jí i „Dis de preparaziun al maridé“ dala sabeda ai 19 d'aorí ales 9:00 cina ala domegna ai 20 d'aorí 2020 ales 16:00. Le curs é por ladin (a pert en referat co é por todesch). Le curs é limité a 18 pers y costa 180,00 € a per (curs + 2 iadi marena). Prenotaziuns anter i 02.04.2020 te Sorvisc ai Jogn, ☎ 0474 523070.

| | | |
|----------------------|--------------------------------------------------------|--------------|
| Döt le bun a: | Elisabetta Willeit Trebo, <i>Al Plan</i> | * 01.12.1935 |
| | Rosa Brandlechner ved. Ploner | * 02.12.1928 |
| | Jep Lanz | * 02.12.1944 |
| | Rosa Vitoria Rubatscher ved. Feichter, <i>Al Plan</i> | * 04.12.1933 |
| | Maria Maneschg ved. Frontull | * 04.12.1934 |
| | Maria Kehrer | * 06.12.1944 |
| | y a düc chi co á santennom y complesc i agn cöst'edema | |

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Aspeté le Signur

📖 **Is 2, 1–5 | Rom 13, 11–14a | Mt 24, 29–44**


Dal Vangelo do San Mateo:

Te chel tomp á Gejú dit a sü discepui: [...] ³⁷Desch'ara ea en chi dis de Noé, ensciö sarára dal avent dal Fi dal Om. ³⁸Desche la jont mangiâ, boêa y se maridâ en chi dis dan le delüve cina en chel de che Noé é jü tal'arca, ³⁹y ne s'an anadéa de döt nia cina ch'al n'é gnü l'inondaziun y i á romené düc demez, ensciö sarára ince dal avent dal Fi dal Om. ⁴⁰Spo de dui ei co laora sön ciampopré, nen gnarál tut önn empara y önn gnará lascé endô. ⁴¹Y de döes eres che majina con le medemo morin, nen gnarál tut öna empara y öna gnará lasciada endô. ⁴²Stede muntri! Deache i ne seis nia, ci de che osc Signur ven. ⁴³Ponsede sora: Sce le patrún de ciasa sess da ci ora de net ch'al ven le loter, stéssel enmunter y ne lasciass nia sozede ch'al vegnes rot ete te söa ciasa. ⁴⁴Porchel stede ince os arjignés! Ciodiche le Fi dal Om gnará da n'ora ch'i ne s'la aspeteis nia.

Oraziun dal de

Periun! Oh Dio, nosc Pere, döt sta te töa potesté: endespra te nos l'orenté de ti jí con de bones opres adancuntra a Crist co é tal gní, por ch'al nes cherdí a tó ete le post a söa man derta, canch'al gnará tla gloria.
El, co é Dio y vir y regneia con te tl'unité dal Spirit Sant por düc i secui dai secui. – Amen

(Lezionar A)



📖 **Letöres dla Gran Festa de Santa Maria Imacolada | Secunda domegna d'Advent:**
Gen 3, 9–15.20 | Ef 1, 3–6.11–12 | Lc 1, 26–38

Edema liturgica dai 01.12. ai 08.12.2019

| | | |
|--------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------|
| DOM 01. | Pröma domegna d'Advent (A) Domegna dla dlizia te ciasa | <i>Natalia, Natalie, beat Charles de Foucauld</i> |
| 08:30 | gran messa por döta la ploania con benedisciun dles gherlandes s.m. por i Ministronc y la Schira Jonila | ♫ <i>Cuartet de ei</i> |
| → | 2^a s.m. de sopoltöra por † Ludwig Erlacher y corona dla comunité | |
| 14:00 | a Pliscia s.m. en onú de Sant'André por vis y defonti dles families Kastlunger, Mone da Pliscia | |
| → 19:00 | les ciampanes sona ete l'Advent y envieia al'oraziun te familia | |
| Lön 02. | <i>Luzius, Bibiana</i> de d'oraziun te familia | |
| Ded 03. | <i>Franz Xaver, Emma</i> | |
| → 19:30 | Rorate por l'Uniun dles Eres s.m. de ringraziament dla fam. Adolf y Berta Feichter, Cramer s.m. por † Carlo Ploner, Corterei | ♫ <i>grup dal Cor</i> |
| Dem 04. | <i>Barbara, Jan da Damaskus, beat Johannes Nepomuk von Tschiderer, beat Adolph Kolping</i> de d'oraziun te familia | |
| Jöb 05. | <i>Anno, Reinhard - de d'oraziun do vocaziuns</i> → 14:00 a Curt, s.m. en onú de San Mocherá por la Vijinanza da Curt s.m. por †† Vigile Comploi y Maria Maneschg ved. Comploi, Möra s.m. por Florian, Nese y † Stase Terza, d'André | |
| Ven 06. | pröm vendres - Mocherá (patron da Curt), Klaus, Nicole signor ploan va a proverer → 19:30 corona por perié do vocaziuns | |
| Sab 07. | <i>Ambrosius, Maria Iosefa, Gerald</i> → 19:30 Rorate por la Joneza y por la Joneza da Paur Rorate por † Emma Frontull ved. Ellecosta, Bastl 3^a s.m. de sopoltöra por † Ludwig Erlacher, Plaza s.m. de ringraziament dla fam. Erich y Ludmilla Erardi, Tlea | ♫ <i>grup dal Cor</i> |
| DOM 08. | GRAN FESTA DE SANTA MARIA IMACOLADA Secunda domegna d'Advent | <i>Edith y Elfriede, Sabina</i> |
| 08:30 | gran messa ciantada en onú de Santa Maria por döta la ploania | |
| 14:00 | espi da festa y benedisciun eucaristica | |
| <i>ampola:</i> | por la Vijinanza da Curt | |
| <i>ministronc:</i> | → dedolönesc y domegna: Marco y Maria → <i>jöbia, sabeda y domegna:</i> Nadia y Jan | |
| <i>i recordun:</i> | Emma Rovara Aichner, Valdaora Emma Frontull ved. Ellecosta Jep Ellecosta, La Val | + 02.12.2015 + 05.12.2016 + 07.12.2009 |



N loter co porta la löm (Mt 24, 29–44)

I ponsi do

Le Signur ven ten iade y zonza ch'i le sanse danfora. Al n'é nia na matada y nia na catastrofa mo el se racomana da ester arjignés y da meter averda; avisa le modo da vire de chi co ô bun y á speranza. Al met man le tomp d'Advent: i orun coltivé te nosc cör en sentiment d'aspetanza. I n'án nia döt, i ne sun nia pasciüs, i án debojügn che Chelbeldio vegni a cialé nosc cör.

I preii ensciö

Al é l'ora dla net, te chera che tö te prejenteies, Gejú. Tö te paragoneies a n loter, mo i sán düc che tö ne se toles nia, mo se scinches döt. Al é l'ora dal scür, mo tö es löm y ilumineies döt con töa amizizia. Al é l'ora dla som, mo tö se damanes da romagne enmuntri: co podesson pa dormí con te dlungia nos? Al é l'ora dal chît, emplí con nostes usc, con nüsta vera y nüsc sonnns. Y tö s'envieies a spizoré les oredles por aldí töa usc da orei bun y sterscia co se baia de cosses eternes. Fá che cösc tomp d'Advent sides desco na net lominosa, chita y rica de te. Na net de pêsc, co s'arjigna ca ala gran net te chera che nosta mont y nosc cör sará arjignes a aldí la usc dai angeli co cianta: „Encö él nasciü por nos le Salvatur, Crist le Signur“.

Walter Cazzaniga, Parola amica – Il Vangelo della domenica per ragazzi



Meditaziun d'Advent (Papa Francesco, dal Angelus 27.11.2016)

La dlizia met encö man en ann liturgich nö, en tru de fede nö dal popul de Dio. Y desco dagnora metunse man con l'Advent. Le Vangelo da encö nes condüj ete te önn dai temesc plü afascinanc tal tomp d'Advent: la vijita dal Signur al'umanité. I sán che la pröma vijita é stada chera dl'Encarnaziun, canche Gejú é nasciü tla stala da Betlehem. La secunda sozeda sen: le Signur ven vigne de a se cialé, s'acompagaia sön nüsc trus y cösta é na presenza co consoleia. Enultima gnarál por le terzo iade, chel ch'i professun tal Credo: „... al gnará tla gloria a iudiché i vis y i morc“. Le Signur baia encö de cösta vijita, chera ala fin dai tomps y co nes dij olá che nosc tru nes condüj. La Parora de Dio da encö nes mostra sö le contrast danter nosta routine da vigne de y cösta gnüda dal Signur fora de n sarench, „da n'ora ch'i ne s'la aspeteis nia“. Le Vangelo n'ô sogü nia se fá pora, mo daurí sö nosc orizont a che atra dimenjiun, chera plü grana, co relativeia de önn en vers les cosses da vignedé, mo les fej tal medemo tomp plü prezioses, dezijives. La relaziun con le Dio-co-ven-a-se-cialé met vigne aziun, vigne cossa te en n'atra löm, ti dá en n'ater peis, en valur simbolich. Da cösta prospetiva cialfunse ince l'envit a vire “con mosöra”, a nia se lascé comané dales cosses de cösc monn, dales realtés materiales, mo plütosc da les gorné. Deache sce i se lasciun condizioné y meter sot da cöstes ne sunse nia bognd da odei ete che al é val plü de emportant: nosta encuntada con le Signur! Y cösc é ci co cunta! Al é cösc en envit a ester enmuntri, deache dal momont ch'i ne sán nia canche El gnará, messunse entres ester arjignés da jí. Santa Maria, la Vergine dal Advent, nes deidi da nia s'araté proprietars de nosta vita, da nia se paré canche le Signur ô la müdé, mo a ester arjignés da se lascé vijité da El, ghest aspeté y benodü, ince sce al sciüra sotissora nüsc planns.